



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 55. Concordia duorum Fratrum Saxoniae Ducum

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

statis reum declaravit, & concordiam Sæcul. XV.
 cum Marchione recens initam omnino A.C.1150.
 irritam fecit, ceterosque Principes in eum
 commovit, quem penitus oppressum con-
 tinuo odio persecuti sunt.

§. LV.

Concordia duorum Fratrum Saxoniae Ducum.

Felicioꝝ concordia hoc eodem anno e-
 recta est duos inter fratres, Frideri-
 cum, & Guilielmum Saxoniae Duces.
 Hos inter diuturna æque ac cruenta ex-
 asere diffidia ob paternam hæreditatem;
 hanc quoque discordiam perfidi qui-
 dam alebant Aulici, eamque in rem suam
 vertebant. Fridericus, cum præcipuus
 hujus dissensionis Auctor occasione Ju-
 bilæi Romam petiisset, ejus absentia op-
 portune usus, Fratrem suum missis nun-
 ciis ad se accivit, ut de pace, ac mutua
 animorum concordia cum eo ageret.
 Annuit Guilielmus, atque equo confestim
 conscenso Fratrem suum natu majorem
 adire paravit, spretis suorum consiliis, qui
 ad Ducem retrahendum ei suggerebant,
 Fratris sui verba dolis plena, atque ideo
 structas esse ipsi in via insidias. *Ast ego,*
reposuit Dux, libens moriar, si vos prius
necatos videro, qui fraternas altercationes
fouetis. Ducis consilio optatus respon-
 dit

Sæcul. XV. dit eventus; pax enim composita, amicitia utrinque redintegrata, atque ad ex-terminandos litium, ac discordiarum auctores fides mutuo data.

§. LVI.

Ladislauſ electus Bohemiæ Rex a Cæſare detentus.

Ann. 1451. **S**upra memoravimus, quod Bohemi Ladislaum puerum antea Hungariæ Regem in suum quoque Principem elegerint; hinc jam Fridericum Cæſarem instanter urgebant, ut ipsorum Regem jam duodennem dimitteret, quo suis libere dominari posset. Ast Cæſar sive Ladislaum ob ætatis imbecillitatem sceptri regendi impotem crederet, sive demum tenerum hunc Principem Bohemæ nationis levitati, ac inconstantia committere diffideret, sæpe petatum, semperque denegatum apud se detinuit. Hac repulsa Bohemi, quibus insuper haud ignotum erat, Cæſarem decreviſſe, Ladislaum secum in Italiam ducere, quo coronæ Imperialis sumendæ causa sese conferre parabat, adeo ad iram concitati fuere, ut generalem Regni conventum indicerent, quo alium sibi Regem eligere meditabantur. Fridericus his motus Legatos ad illos decrevit, Æneam Sylvium Senensem Episcopum, & Procopium Rabensteinium Equitem

*Æn. Sylv.
hist. Boh. c. 58
& epist. 130.*